

Kev Zwm Rau Zos Ntuj Hmoov Ntuj

1. Yog yuav tau fwm thiab coj raws li cov cai coj ntawm Zos Ntuj Hmoov Ntuj.
2. Yog yuav nrog pab ceev txuag kom lub zej zog nyob huv si mus nyab xeeb thiab tsis ua kev txhaum cai uas tsis zoo rau lub Zos Ntuj Hmoov Ntuj thiab tsoom nom tswv ntawm lub teb chaws uas muaj cov ntseeg Leej Niam thiab txoj kev ntseeg nyob.
3. Yog yuav los nrog nqis tes, nqis zog, nqis peev, nqis caij los nrog txhim kho lub Zos Ntuj kom loj hlob tuaj.
4. Thaum los nyob rau lub Zos Ntuj lawm, yuav tau tawm peev txheej raws li txoj cai ntawm tsoom ntseeg feem coob kev pom zoo los txhim kho rau lub Zos Ntuj thiab txoj Kev Ntseeg Leej Niam.
5. Tus ntseeg Kev Ntseeg Leej Niam thiab nws ntseeg tias nws yog niam yug uas nws fwm niam fwm txiv, hlub tub hlub ntxhais sib luag, thiab xyaum ua neeg zoo los nrog hlub txuag dej av, zoov tsuag, tsiaj txhu ces tus ntawd muaj feem los nyob tau rau hauv Zos Ntuj Hmoov Ntuj.
6. Daim av yog Niam Ntuj daim thiab ua Niam Ntuj tug, yog leej twg nrog Niam nyob hauv Niam Ntuj daim av, coj raws Niam Ntuj tus Keeb Cag Txuj ces yog leej twg li, tab sis hnuv twg nws ho tsis nyob es nws yuav tawm hauv lub Zos Ntuj mus nyob rau lwm lub zos thiab lwm txoj kev ntseeg lawm, nws yuav tsum tso txhua tsav tsi uas yog Niam Ntuj tug ntawm Niam Ntuj daim av tseg rau Niam Ntuj lub Zos Ntuj.
7. Yog leej twg los nyob, tsis coj raws li kev coj ntawm Kev Ntseeg Leej Niam, tsis ua raws cov cai tswj ntawm Zos Ntuj, thiab tsis nyob rau tsoom nom tswv hauv lub teb chaws kev tswj fwm, Zos Ntuj yuav tsis lees thaj xeeb tus ntawd.
8. Niam Ntuj daim av thiab txoj Kev Ntseeg Leej Niam yuav tsis cais ib leej twg. Yog leej twg ntseeg tias nws yog nws niam yug nws es nws fwm Niam Ntuj ua nws tus Tswv Ntuj thiab coj raws li Leej Niam tus Keeb Cag Txuj qhia ces nws muaj feem los nrog tawm tswv yim txhim kho rau Niam Ntuj lub Zos Ntuj.
9. Yog leej twg yuav los nyob rau hauv lus Zos Ntuj, nws yuav tau xaiv seb nws yuav nyob cov tsev 1 chav pw, 2 chav pw, los 4 chav pw thiab yuav tau tshwm peev txheej raws li txoj cai hauv lub Zos Ntuj tau teem tseg mus nrog pab txhim kho rau lub Zos Ntuj kom loj hlob tuaj mus.

Zos Ntuj Hmoov Ntuj



Oroville, California

Contact Us

Phone: (559) 696-9347 OR (209) 625-6417
Email: boualongvue@gmail.com OR
xiong.cheuyengther50@gmail.com
Website: <http://www.kevntseegleejnia.org>

Lub Zog Ntuj

1. Niam Ntuj lub zog ntuj yog cov niam yug uas ntseeg Niam Ntuj ua tus Tswv Ntuj tug.
2. Niam Ntuj lub zog ntuj yog cov niam yug uas ntseeg Niam Ntuj los fwm niam txiv puj yawm, hlub tub hlub ki kom sib luag li.
3. Niam Ntuj lub zog ntuj yog cov niam yug uas ntseeg Niam Ntuj kom muaj kev coj, kev haum xeeb zoo, txawj fwm kev cai, nrog txhawb nqa lub Zos Ntuj kom vam meej tug.
4. Niam Ntuj lub zog ntuj yog cov niam yug uas ntseeg Niam Ntuj los hlub txuag dej av, zoov tsuag, tsiaj txhu, noob neej kom tsim txiaj tsim nqi li.


Zos Ntuj Hmoov Ntuj

1. Zos Ntuj Hmoov Ntuj yog Niam Ntuj **txoj hmoo** rau cov niam yug los thooj siab koom tes nqis zog, nqis peev txhim kho Hmoov Ntuj lub neej kom vam meej mus tau zoo.
2. Zos Ntuj Hmoov Ntuj yog Niam Ntuj **tus ntsuj plig** rau cov niam yug los xyaum kawm, cob qhia, coj cawm kom Hmoov Ntuj haiv neeg txawj ntse mus tsim txiaj.
3. Zos Ntuj Hmoov Ntuj yog Niam Ntuj **txoj sia** rau cov niam yug los sib hlub, sib ntseeg kom Hmoov Ntuj lub neej noj nyob mus nyab xeeb.
4. Zos Ntuj Hmoov Ntuj yog Niam Ntuj **lub zog** rau cov niam yug los thooj keeb tim loog ua haiv neeg paub tab, paub cai rau lub teb lub chaw.

Kev Ceeb Tim Kuj Xeeb Ntawm Zos Ntuj

1. Zos Ntuj Hmoov Ntuj tsis yog thaj chaw cog yaj yeeb, muag yaj yeeb, haus yaj yeeb, thiab noj yaj yeeb.
2. Zos Ntuj Hmoov Ntuj yuav tsis coj mus khav theeb, thab plaub, thiab yuam tuav ib tug twg tej nuj nqis.
3. Zos Ntuj Hmoov Ntuj yuav tsis ua lwm hom kev ntseeg kev tsa koob tsheej rau hauv.
4. Zos Ntuj Hmoov Ntuj yuav tsis coj mus haub yaum neeg sib ntaus, sib tua, ua plaub, ua ntug.
5. Zos Ntuj Hmoov Ntuj yuav tsis lees txais cov muaj txim txhaum los ua lub chaw khiav nkaum rau.
6. Zos Ntuj Hmoov Ntuj yuav tsis tsim tej cuab yeej uas tsis raws cai nyob rau hauv.
7. Zos Ntuj Hmoov Ntuj yuav tsis quab yuam, tsim txom tib neeg, tsiaj txhu, hav zoov hav tsuag, toj roob hauv pes, dej av rau kev ntxub ntxaug.
8. Zos Ntuj Hmoov Ntuj yuav tsis thaj xeeb rau kev muag neeg, tua neeg, noj neeg tsis raws kev cai ua neej.
9. Zos Ntuj Hmoov Ntuj yuav tsis tawv nyom kev cai tswj fwm hauv lub teb chaws.

FWJ XEEB



Kev Tim Thooj Keeb Lag Sua Ntawm Zos Ntuj

1. Zos Ntuj Hmoov Ntuj yog thaj chaw zoo rau niam txiv thiab mi nyuam los sib hlub, sib raug zoo.
2. Zos Ntuj Hmoov Ntuj yog thaj chaw tsim txiaj rau cov niam yug lub neej sawv ua neeg.
3. Zos Ntuj Hmoov Ntuj yog thaj chaw thaj yeeb rau cov niam yug kev sib sau, sib qaws ua neej.
4. Zos Ntuj Hmoov Ntuj yog thaj chaw ruaj khov rau cov niam yug los sib hlub, sib fwm ua num ua tswv.
5. Zos Ntuj Hmoov Ntuj yog thaj chaw zoo rau cov niam yug los teev hawm Leej Niam ua koob ua hmoov.
6. Zos Ntuj Hmoov Ntuj yog thaj chaw pheej xeeb rau cov niam yug txoj kev thaj xeeb sim sawv.
7. Zos Ntuj Hmoov Ntuj yog thaj chaw txhim kho, hlub txuag dej av, hav zoov hav tsuag, tsiaj txhu, noob neej kom sib luag rau kev vam meej.
8. Zos Ntuj Hmoov Ntuj yog thaj chaw noj qab, haus huv rau cov uas yog niam yug xyaum ua neej.
9. Zos Ntuj Hmoov Ntuj yog lub zos muaj kev coj raug raws li kev cai tswj fwm hauv teb chaws.

Kev Ruaj Khov Ntawm Zos Ntuj

1. Kev **daws tso** ntawm Zos Ntuj yog kom cov niam yug nyob muaj num muaj tswv.
2. Kev **tiv thaiv** ntawm Zos Ntuj yog kom cov niam yug nyob muaj kev coj raws kev cai.
3. Kev **txhim kho** ntawm Zos Ntuj yog kom cov niam yug nyob muaj kev kawm kev khwv.
4. Kev **pov puag** ntawm Zos Ntuj yog kom cov niam yug nyob muaj koob muaj npe zoo.

Txoj Hmoov Ntawm Zos Ntuj

1. Zeem muag ntawm Zos Ntuj yog coj cov niam yug los nyob ua haiv neeg tsim txiaj.
2. Hom phiaj ntawm Zos Ntuj yog npaj thaj chaw ruaj khov rau cov niam yug los nyob ua ke.
3. Zeej zeem ntawm Zos Ntuj yog cob cawm cov niam yug kom vam meej mus huaj vam zoo.
4. Zej zem ntawm Zos Ntuj yog tsim tsa kom cov niam yug nyob muaj teej tug ua keeb kwm zoo tseg.

Vaj Loog Zim Txwv Ntawm Zos Ntuj



Vaj Loog Zim Txwv yog lub tsev Niam Ntuj nyob ntawm Zos Ntuj Hmoov Ntuj. Niam Ntuj yog qhov chaw rau cov niam yug mus teev tiam thiab teev hawm Leej Niam los ua neej.

Yeej Loog Qoov Sua Ntawm Zos Ntuj

Yeej Loog Qoov Sua yog thaj chaw rau tsoom keeb neeg li num rau Zos Ntuj Hmoov Ntuj. Tsoom keeb neeg muaj raws li no:

1. Tsoom Txheej Keeb Tim Thawj.
2. Tsoom Yawm Laug Txwv Zeej, Puj Laug Txwv Koob.
3. Tsoom Ntxwv Feej Tim Txwv.
4. Tsoom Niam Hmoov, Niam Neej.

